

ԴԻՐՔՈՐՈՇՈՒՄ

ԳԻՐԳԻ ԿՎԻՐԻԿԱՇՎԻԼԻ. «ՄԵՆՔ ՊԱՏՐԱՍՏ ԵՆՔ ՇԱՐՈՒՆԱԿԵԼ ԵՐԿԽՈՍՈՒԹՅՈՒՆԸ ԵՎ ՅԱՍՆԵԼ ՊԱՅՄԱՆԱՎՈՐՎԱԾՈՒԹՅԱՆ»

ԿԱՌԱՎԱՐՈՒԹՅՈՒՆԸ ՇԱՐՈՒՆԱԿԵԼ ԵՐԿԽՈՍՈՒԹՅՈՒՆԸ, ՈՐ ՏԵՂԱԿԱՆ ԸՆՏՐՈՒԹՅՈՒՆՆԵՐԸ ԼԻՆԵՆ ԱՐԴԱՐԱՅԻ ՈՒ ԹԱՓԱՆՅԻԿ



Անդրադառնալով սահմանադրական բարեփոխումների թեմային, վարչապետը նշեց, որ ինքը հեռախոսագրույց է ունեցել Վենետիկի համաժողովի նախագահ Ջաննի Բուկիկկիոյի հետ: «Մենք անդ-

րոն Բուկիկկիոն գոհունակություն հայտնեց երկխոսությունը շարունակելու մեր պատրաստականու-

(Շարունակությունը՝ 2-րդ էջում)

ԱԿՏԻՎ ՅԱՄԱԳՈՐԾԱԿՑՈՒԹՅԱՆ ԿՈՉ՝ ԽՈՐՐԴԱՐԱՆԱԿԱՆ ՄԵԾԱՄԱՍՆՈՒԹՅԱՆԸ

Վրաստանի նախագահ Գիորգի Մարգվելաշվիլին ողջունեց վարչապետ Գիորգի Կվիրիկաշվիլու հայտարարությունը սահմանադրական փոփոխությունների կապակցությամբ խորհրդատվություններ անցկացնելու վերաբերյալ:

Նախագահը խորհրդարանական մեծամասնությանը կոչ արեց չբռնաճակատ քաղաքական գործընթացների հարցում եւ ակտիվորեն համագործակցել ընդդիմադիր քաղաքական կուսակցությունների եւ հասարակական կազմակերպությունների հետ:

- Ողջունում եմ խորհրդատվությունների կապակցությամբ վարչապետի առաջարկությունը: Քաղաքական ուժերին եւ հասա-

րակական խմբերին կոչ եմ անում ակտիվորեն մերցնել այդ գործընթացին, որպեսզի Սահմանադրությունը ձեւավորվի որպես համաձայնության, երկրի միավորման փաստաթուղթ: Կոչ եմ անում խորհրդարանական մեծամասնությանը, որպեսզի այն չբռնաճակատ քաղաքական գործընթացների հարցում եւ ակտիվ երկխո-



սություն իրականացնի քաղաքական կուսակցությունների եւ հասարակական կազմակերպությունների հետ,- հայտարարեց Գիորգի Մարգվելաշվիլին:

ՅԱՄԱԳՈՐԾԱԿՑՈՒԹՅՈՒՆ

ԽՈՐՐԴԱՐԱՆԱԿԱՆ ՊԱՏՎԻՐԱԿՈՒԹՅՈՒՆԸ ՍՏՐԱՄԲՈՒՐԳՈՒՄ

ՊԱՏՎԻՐԱԿՈՒԹՅԱՆ ԿԱԶՄՈՒՄ Է ԱՆԱԼՔԱՆՔԻ-ՆԻՆՈՍԻՆԻՆԻՆԻ ՄԵԾԱՄԱՍՆԱԿԱՆ ՊԱՏՎԻՐԱԿՈՒԹՅԱՆ ՇԵՆՋԵԼ ՄԿՈՅՆԸ



Հուլիսի 3-6-ին, Վրաստանի խորհրդարանական պատվիրակությունը, խորհրդարանի նախագահ

Իրակլի Կոբախիձեի գլխավորությամբ, գտնվում էր Ստրասբուրգում:

Խորհրդարանական պատվիրակությունը, այցի շրջանակներում, Եվրոպայի խորհրդում եւ Եվրախորհրդարանում անցկացրեց մի շարք հանդիպումներ:

Մասնավորապես, խորհրդարանական պատվիրակությունը, Իրակլի Կոբախիձեի գլխավորությամբ, հանդիպում ունեցավ Եվրոպայի խորհրդի խորհրդարանական ասամբլեայի քարտուղար Վալդեմար Սալիցկու, սոցիալիստների քաղաքական խմ-

(Շարունակությունը՝ 2-րդ էջում)

ՅԱՆՐԱԳՈՒՄԱՐՈՒՄ

ԴՄԻՏՐԻ ՔՈՒՄԻՇՎԻԼԻ. «ՖԻՆԱՆՍԱԿԱՆ ԲԱՐՔԱԿԱՆՈՒԹՅԱՆ ԲԱՐԵՓՈԽՈՒՄՆԵՐԸ ՆՊԱՍՏՈՒՄ ԵՆ ՏՆՏԵՍԱԿԱՆ ԱՃԻՆ»

Վրաստանի ֆինանսների նախարար, փոխվարչապետ Դմիտրի Քումսիշվիլին, հանրագումարելով 2017 թվականի առաջին կիսամյակի տնտեսական դինամիկայի եւ բյուջեի կատարման ցուցանիշները, հայտարարեց, որ տնտեսական աճին նպաստել է ֆինանսական քաղաքականությունում իրականացված բարեփոխումները եւ արտաքին սեկտորի կայունացումը:

Նրա խոսքով, բյուջեն ծրագրված է 4 տոկոսանոց տնտեսական իրական աճի ուղղությամբ: Նախնական տվյալներով, ընթա-

ցիկ տարվա հինգ ամսվա ընթացքում, տնտեսական իրատեսական աճը կազմել է 4,5 տոկոս, մայիսին այդ ցուցանիշը 5,3 տո-

կոս էր: Ինչպես նշեց նախարարը, տնտեսական աճի վրա ազդել են մի քանի գործոններ: Մաս-

(Շարունակությունը՝ 3-րդ էջում)

ՀՈՒՆԻՍԻ 5-Ը ՅԱՅՄԱՍՏԱՆԻ ՍԱՀՄԱՆԱԴՐՈՒԹՅԱՆ ՕՐ

ՔԱՅԵՐԹ՝ ՆՎԻՐՎԱԾ ՍԱՀՄԱՆԱԴՐՈՒԹՅԱՆ ՕՐՎԱՆ

Հայաստանի քաղաքացիները պետական խորհրդանշանի նկատմամբ իրենց վերաբերմունքով ցույց են տալիս պետության հանդեպ դիրքորոշումը: Սահմանադրության օրվա առիթով Երեւանում խորհրդանշանների տոնախմբություն էր, քայլերք՝ դրոշմերով, զինանշանով, երգ ու պարով:



Հուլիսի 5-ին Ազատության հրապարակից տեղի ունեցավ Հայաստանի սահմանադրության եւ Հայաստանի պետական խորհրդանշաններին նվիրված տոնական քայլերք: Մինչ քայլերքի մեկնարկը, Ազատության հրապարակում ելույթներով հանդես եկան Հայաստանի զինված ուժերի գլխավոր շտաբի, Արտակարգ իրավիճակների նախարարության եւ Ոստիկանության նվազախմբերը եւ պատվո պահակային վաշտերը, Հայաստանի սկաուտական փողերախումբը, «Երեւանյան թմբուկներ» թմբկահարների խումբը եւ «Վահագն» դիոլահարների խումբը: Նվազախմբերի ելույթներից հետո, պարային խմբերի գլխավորությամբ, պարային ազգագրական համարներ եղան:

ՏԵՂԱԿԱՆ ԸՆՏՐՈՒԹՅՈՒՆՆԵՐ

«ԱՐԴԱՐԱՅԻ ՊԱՅՔԱՐՈՒՄ ԿԱԽԻ ԿԱԼԱՁԵՆ ՄՐՑԱԿԻՑ ՉՈՒՆԻ»

ԿԱԽԻ ԿԱԼԱՁԵՆ՝ ԹԲԻԼԻՍԻ ԲԱՐՔԱԿԱՆ ՊԱՏՎԻՐԱԿՈՒՄ «ՎՐԱՅԱԿԱՆ ԵՐԱՅԱՆՔԻ» ՊԱՏՎԻՐԱԿԱՆ ԹԵԿՆԱՄՈՒ

Հուլիսի 1-ին Վրաստանի վարչապետ, «Վրացական երազանք» կուսակցության նախագահ Գիորգի Կվիրիկաշվիլին, Թբիլիսիի քաղաքապետի պաշտոնում պաշտոնապես ներկայացրեց



Կախի Կալաձեի թեկնածությունը: Թեկնածության առաջադրման արարողությունը անցկացվեց Սթանիսլավսկի զբոսայգում:

Մինչեւ թեկնածուի մերկայացնելը, «Վրացական երազանք» կուսակցության կենտրոնական գրասենյակում անցկացվեց քաղխորհրդի նիստը,

որտեղ էլ վերջնական որոշում ընդունվեց այդ հարցով: Ներկայացնելով կուսակցու-

(Շարունակությունը՝ 2-րդ էջում)

ՀՐԱՏԱՊ

ՅԱՅԿԱԿԱՆ ՎԱՐՈՐԴԱԿԱՆ ՎԱՅՆԱԿԱՆՆԵՐՈՎ ՎՐԱՍՏԱՆԻ ԲԱՐՔԱԿԱՆՆԵՐԻ ՅԱՄԱՐ ՏՈՒՐԱԿԱՆՆԵՐԸ ՎԵՐԱՅՎՈՒՄ ԵՆ

ՍԱՀՄԱՆՎԱԾ ԺԱՄԿԵՏՈՒՄ ԱՅՆ ՊԵՏՔ Է ՓՈԽԵԼ ՎՐԱՅԱԿԱՆՈՎ

Վերջին ժամանակներում լայն տարածում գտավ տեղեկատվությունը, ըստ որի՝ Վրաստանի ճանապարհներով երթեւեկող, վրացական պետական արտադրանքներով, սակայն հայկական վարորդական վկայական ունեցող վարորդները տուգանվում են:

Ինչպես «Վրաստան» թերթին պարզաբանեցին Վրաստանի ՆԳ նախարարությունում, դեռ 2011 թվականի հոկտեմբերի 28-ին հրապարակվեց Ներքին գործերի նախարարի հրամանը (թիվ 1072), ըստ որի՝ որոշ փոփոխություններ են կատարվել նախկինում արձակված հրամանի մեջ, որի համաձայն որոշվել է վարորդական իրավունքի տրման կարգը: Մասնավորապես, ըստ 29-

րդ հոդվածի կետ 1-ի սահմանված են «Վրաստանի քաղաքացիների կողմից օտար երկրում ձեռք բերված վարորդական իրավունքի փոփոխության կարգը եւ ժամկետները»: Հետեւաբար, երկրում սահմանված է կարգ, ըստ որի՝ որոշակի ժամանակահատվածում Վրաստանի քաղաքացի համարվող անձինք, ովքեր հայկական վարորդական իրավունք-

(Շարունակությունը՝ 2-րդ էջում)

Շաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՀԱՆՐԱԳՈՒՄԱՐՈՒՄ

ԴՄԻՏՐԻ ՔՈՒՄՍԻՇՎԻԼԻ. «ՖԻՆԱՆՍԱԿԱՆ ԲԱՐԱՔԱԿԱՆՈՒԹՅԱՆ ԲԱՐԵՓՈԽՈՒՄՆԵՐԸ ՆՊԱՏՏՈՒՄ ԵՆ ՏՆՏԵՍԱԿԱՆ ԱՃԻՆ»

(Սկիզբը՝ 1-ին էջում)

նավորապես, նկատելիորեն աճել է արտահանման ցուցանիշը: Հունվար-մայիսին այն կազմել է 1 003,4 միլիոն դոլար, ինչը 28 տոկոսով գերազանցում է անցյալ տարվա ցուցանիշը: Ընդհանուր առմամբ, առեւտրաշրջանառությունն աճել է 14,9 տոկոսով:

Ընթացիկ տարվա հունվար-հունիս ամիսներին միջազգային այցելուների թիվը կազմել է 2 996,170 մարդ, ինչը 13,4 տոկոսով գերազանցում է անցյալ տարվա համապատասխան ժամկամիջոցի ցուցանիշը:

Դրական դինամիկա է վավերացվել նաեւ անմիջական օտարերկրյա ներդրումների ուղղությամբ: 2017 թվականի առաջին եռամսյակում էկոնոմիկայում ներդրվել է 403,3 միլիոն դոլար, ինչը 4 տոկոսով գերազանցում է անցյալ տարվա ցուցանիշը:

Նկատելիորեն բարելավվել է նաեւ դրամական փոխանցումների վիճակագրությունը: Ընթացիկ տարվա առաջին հինգ ամսվա ընթացքում փոխանցվել է 433 միլիոն դոլար, ինչը 24,2 տոկոսով գերազանցում է նախորդ տարվա ցուցանիշը:

Դմիտրի Քոմսիշվիլին առանձնակի ընդգծեց ֆինանսական քաղաքականության իրականացված բարեփոխումների արդյունքները: Նրա խոսքով, շահութահարկի բարեփոխման հետեւանքով ըն-



կերություններում հավաքվել է 120 միլիոն լարիով ավելի դրամական միջոց, քան անցյալ տարի էր:

ԲՈՒՆԱԶԱՎԹՎԱԾ ԳՈՏԻ



ՔԵԹԵՎԱՆ ՅԻՒՆԵՍԿՈՒԼԻ. «ՌՈՒՄՆԵՐԸ ՍԱՀՄԱՆԱԳԻԾԸ 500 ՄԵՏՐՈՎ ՏԵՂԱՇԱՐԺԵԼ ԵՆ»

Ռուսական կողմը շարունակում է սողացող բռնազավթումը: Հունիսի 4-ին հայտնի դարձավ, որ ռուսական կողմը, Գորիի շրջանի Բերշուեթի գյուղի մուտակայքում, այսպես կոչված, սահմանագիծը տեղաշարժել է եւ տեղադրել նոր վահանակներ, որի արդյունքում մի քանի տեղացիների գյուղատնտեսական հողամասերի մի մասը հայտնվել է բռնազավթված գոտում:

Ռուսական կողմի սողացող բռնազավթման քաղաքականության դատապարտմամբ հանդես եկավ Վրաս-

տանի հաշտեցման եւ քաղաքացիական իրավահավասարության հարցերով պետախարար Քեթեվան Յիւնեսկոյի: «Ռուսական կողմը սահմանագիծը տեղաշարժել է կես կիլոմետրով եւ, փաստորեն, մինչեւ Գորի-Թբիլիսի մայրուղին մնացել է ընդամենը 500 մետր: Բացարձակապես անընդունելի է նման ցանկացած գործունեությունը, ինչպիսին պարբերաբար նկատվում է՝ սկսած 2009 թվականից: Մեր ռազմավարական խնդիրն է՝ լրիվությամբ վերացնել այս փշալարերն ու վահանակները եւ քանի դեռ չենք հասել մեր ռազմավարական նպատակին, գործում ենք հումանիտար հիմնախնդիրների կարգավորման

ուղղությամբ, որպեսզի մարդկանց վերապահենք հողից օգտվելու հնարավորությունը», - հայտարարեց պետախարարը: Վրաստանի ներքին գործերի նախարարությունը հանդես է եկել հայտարարությամբ, ըստ որի՝ ստեղծված իրավիճակն է՛լ ավելի է ընդգծում անվտանգության միջազգային մեխանիզմների հիմնման եւ մարդու իրավունքների մոնիտորինգի անհրաժեշտությունը:

Կովկասյան ուսումնասիրությունների կենտրոնի ղեկավար Մամուկա Արեշիձեն գտնում է, որ ռուս զավթիչների նպատակն է՝ ելք ապահովել Վրաստանի կենտրոնական մայրուղիներին: «Մեր կենտրոնական մայրուղին հարվածի տակ է: Հավանաբար, նրանք ցանկանում են շրջափակել կենտրոնական մայրուղին: Փաստ է, որ դրա նախապատրաստությունը տարիներ շարունակ ընթանում է», - հայտարարեց Մամուկա Արեշիձեն:

ԿԱՐԳԱՎԻՃԱԿ

ԸՆԹԱՑԻԿ ՏԱՐՎԱ ՕԳՈՍՏՈՍԻՑ ԻՆՔՆԱԿԱՌԱՎԱՐՄԱՆ ԲԱՂԱՔՆԵՐԻ ԹԻՎԸ ՆՎԱԶԵՑՎՈՒՄ ԵՆ

Հունիսի 1-ին Վրաստանի խորհրդարանն երրորդ, եզրափակիչ ընթերցմամբ ընդունեց մի շարք օրենքների փոփոխությունները, ըստ որի՝ ինքնակառավարման քաղաքների թիվը 12-ից նվազեցվում են մինչեւ 5-ը:

Օգոստոսի 1-ից ուժի մեջ մտնող փոփոխությունների օգտին քվեարկեց 83 պատգամավոր, 5-ը՝ հանդես եկան դեմ: Այդպիսով, ինքնակառավարման քաղաքի կարագավիճակից զրկվում են Ամբրոուլոլին, Ախալցխեն, Գորին, Ջուգդիդին, Թելավին, Մցխեթան եւ Օգուր-

գեթին: Այդ քաղաքները կկառավարվեն շրջանների ղեկավարության կողմից: Ինքնակառավարման քաղաքների կարգավիճակը պահպանվել է Թբիլիսիի, Բաթումիի, Ռուսթավիի եւ Փոթիի համար:

Բացի այդ, օգոստոսի 1-ից վերաց-

վում է շրջանային վարչակազմի ղեկավարի՝ վարչության նախագահի պաշտոնը, որը հանդիսանում է տեղական իշխանության ամենաբարձր պաշտոնատար անձը: Փոփոխությունների կիրառումից հետո, կսահմանվի շրջանների քաղաքապետների պաշտոն: Այդ քաղաքապետները, ինչպես ինքնակառավարման քաղաքների քաղաքապետները, կընտրվեն անմիջական քվեարկությամբ՝ քառամյա ժամկետով:

ԱՆԱԼՑԻՆԵ

51-ԱՄՅԱ ԻՐԱՆՑՈՒՆ ԴԱՏՈՒՄ ԵՆ 5-ԱՄՅԱ ԵՐԵՒԱՅԻՆ ԲՈՒՆԱԲԱՐՈՒԹՅԱՆ ՓՈՐՁԻ ՀԱՄԱՐ

ԴԱՏԱՆԱԶՈՒԹՅՈՒՆԸ ՄԵՂԱԳՐՅԱԼԻ ՇԵՏ ԴԱՏԱՎԱՐԱԿԱՆ ՀԱՄԱՅՆՆՈՒԹՅՈՒՆ ԴԻ ՁԵՎԱԿԵՐԴԻ


Իրանցի քաղաքացու հետ, որին դատում են անչափահասին բռնաբարելու փորձի համար, դատավարական համաձայնություն չի ձեռակերպվի: Այդ մասին պաշտոնապես տեղեկացրել է Վրաստանի Գլխավոր դատախազությունը:

Ներկայումս Ախալցխեի շրջանային դատարանում անց է կացվում վերոնշյալ գործի քննությունը Իրանի Իսլամական Հանրապետության քաղաքացի Ռ.Փ.Ք.-ի նկատմամբ, որը մեղադրվում է ՎՔՕ-ի 18-140 հոդվածով (հինգ դրվագ) նախատեսված հանցագործության համար: Մեղադրյալը ներկայումս ձերբակալված է:

Մեղադրյալը, օգտվելով իրեն վերապահվող իրավունքից, դիմեց Սամցխե-Ջավախեթի երկրամասային դատախազությանը, եւ խնդրեց իր մեղադրական գործով ձեռակերպել դատավարական համաձայնություն: - Վրաստանի Գլխավոր դատախազությունը միանշանակ հայտարարում է, որ մեղադրյալի հետ դատավարական հա-

մաձայնություն չի ձեռակերպվի, քանի որ նման հանցագործությունների կապակցությամբ, Վրաստանի դատախազությունը խիստ ընդգծված իրավական քաղաքականություն է վարում, - հայտարարեցին Գլխավոր դատախազությունում: Իրանի 51-ամյա քաղաքացին մեղադրվում է 5-ամյա երեխային բռնափարելու փորձի մեջ: Ինչպես պարզվել է, միջին տարիքի տղամարդուն վրաց իրավապահները ձերբակալեցին այն ժամանակ, երբ վերջինս զբոսայգում «գոհին» ժամադրու-

թյուն էր նշանակել: Ելնելով գործի մանրամասներից, մեղադրյալը 5-ամյա անչափահասի հետ խաբեությանը փորձում էր սեռական կապ հաստատել: Նշենք, որ նման դեպք վավերացվել է նաեւ Թբիլիսիի Վարկեթիլի թաղամասում, երբ օտար երկրի քաղաքացին խաբեությամբ իր տուն էր հրավիրել 5 անչափահասներին, մերկացրել ու լուսանկարել նրանց: Հետո հայտնի դարձավ, որ տեղի ունեցածի մասին երեխաները հայտնել էին իրենց ծնողներին:



ՆԻԿՈԼՈՋ ՍԻՐԱՋԵՆ՝ ԱՐՏԱԿԱՐԳ ԻՐԱՎԻՃԱԿՆԵՐԻ ԿԱՌԱՎԱՐՄԱՆ ԳՈՐԾԱԿԱԼՈՒԹՅԱՆ ՂԵԿԱՎԱՐ

Վրաստանի ներքին գործերի նախարար Գիորգի Մդերիշվիլին գերատեսչության արտակարգ իրավիճակների կառավարման գործակալության



ներին ներկայացրեց նոր ղեկավար, ուստի կանոնադրական գնդապետ ՆիկոլոՋ Սիրաձեին: ՆիկոլոՋ Սիրաձեն Վրաստանի ուժային կառույցներում բազմամյա աշխատանքային փորձ ունի:

ՆԵՐՈՒՄ՝ 170 ԲԱՆՏԱՐԿՅԱԼԻ

Հունիսի 6-ին Վրաստանի նախագահ Գիորգի Մարգվելաշվիլին ստորագրեց 170 բանտարկյալի ներում շնորհելու հրամանագիրը: Ինչպես հայտարարեց համաներման հանձնաժողովի նախագահ Չվիադ Քորիձեն, ներման արժանացած բանտարկյալների թվում ինը կին է, կան նաեւ անչափահասներ:

Չվիադ Քորիձեի խոսքով, 120 բանտարկյալները բանտից անմիջականորեն ազատ կարձակվեն, իսկ մյուսների պատժաժամկետը նվազեցված է:

Ինչպես տեղեկացրեց Չվիադ Քորիձեն, համաներման հանձնաժողովի կողմից քննարկվել է, ընդհանուր առմամբ, 1073 բանտարկյալի գործը:

Ներման մասին նախագահի հրամանագիրն արդեն ուղարկվել է պատիժների կատարման նախարարությանը:

ՈԱՅՈՒՆԴ ԴԱՌԼՍԸ՝ ԴԱՏՎՈ ՇՔԱՆՇԱՆԻ ԱՄՊԵՏ

Հունիսի 27-ին Ռիգայում, Վրաստանի դեսպանությունում, անցկացվեց հանդիսավոր միջոցառում, որի ժամանակ Լատվիայում Վրաստանի դեսպան Թեյմուրազ Ջանելիձեն ներկայացրեց Վրաստանի նախագահ Գիորգի Մարգվելաշվիլու հրամանագիրը՝ Ռայմոնդ Պաուլսին Պատվո շքանշանով պարգևատրելու մասին:



Ծրագրված է, որ պատվավոր շքանշանը Ռայմոնդ Պաուլսին կհանձնվի հանդիսավոր պայմաններում, ընթացիկ տարվա սեպտեմբերին՝ Վրաստան նրա այցելության ժամանակ:

ՏԱՐԱԴՐԱՄԻ ՓՈԽԱՆԱԿԱՆ ԿՈՒՐՍԸ (7 Հունիսի)

Ազգային բանկի կողմից սահմանվել է տարադրամի հետեւյալ կուրսը.

ՏԱՐԱԴՐԱՄ	ԱՌՔ	ՎԱՃԱՌՔ
ԱՄՆ ԴՈԼԱՐ	2.373	2.418
ԵՎՐՈ	2.682	2.784
ՌՈՒՐԼԻ	0.038	0.043
ԴՐԱՄ	0.0038	0.0054

Հունիսի 30-ի համեմատ, դոլարի կուրսը նվազել է 0.012 լարիով:

ՀԱՆՐԱՊԵՏ

ԱՄԱԼՔԱԼԱՔԻ ԵՎ ՆԻՆՈՏՄԻՆՂԱՅԻ ԵՐԻՏԱՍԱՐՈՒՆԵՐԸ ԳԵՆՂԵՐԱՅԻՆ ԻՐԱՎԱՀԱՎԱՍԱՐՈՒԹՅԱՆ ՀԱՄԱՐ ՆԱԽԱԳԾՈՒՄ

Վրաստանի հաշտեցման եւ քաղաքացիական իրավահավասարության հարցերով պետնախարար Քեթևան Ցիխելաշվիլին հանդիպում ունեցավ գերատեսչության աշխատակազմի, «Երիտասարդները գեներային իրավահավասարության համար» նախագծի շրջանակներում, գեներային իրավահավասարության շարժական խմբի անդամների հետ:

Պետնախարարը եւ խմբի մասնակիցները հանրագումարեցին, նախագծի շրջանակներում, Սամցխե-Ջավախեթի տարածաշրջանում անցկացված հանդիպումները: Շարժական խմբի անդամները հանձնեցին Ախալքալաքի, Նինոծմինդայի եւ Ախալցխի մունիցիպալիտետների 20 գյուղերում անցկացված 33 հանդիպումներում ընտանեկան բռնության կանխման ուղիների վերաբերյալ 1540 բեմեֆիցարի կողմից ստացված տեղեկատվությունները:

- Շատ ուրախ եմ, որ այսօր ձեզ հետ հանդիպելու հնարավորություն ունեցաւ: Այն գործը եւ նախագիծը, որին մասնակցում եք, ծառայում է մեր երկրի համար կարեւորագույն խնդիրներից մեկին՝ դա անկախ ազգային, կրոնական եւ գեներային պատկանելության իրավահավասարությունն է, ինչը ցանկացած այլ ուղղությամբ մեր պետության զարգացման անկյունաքարն է: Դուք նշանակալի աշխատանք եք անցկացրել Վրաստանի տարբեր տարածաշրջաններում, այս անգամ Սամցխե-Ջավախեթիում եւ ձեր հասակակիցների, ուսուցիչների, ինչպես նաեւ համայնքի ղեկավարների հետ հանդիպումներում քննարկել եք այնպիսի նշանակալի հարցեր, ինչպիսիք են գեներային որոշմակերպերը, երեխաների վրա ընտանեկան բռնության ազդեցությունը, ընտանիքում բռնության դրսևորումները, ընտանեկան բռնության առաջացման պատճառները, ռեֆերաց-

ման մեխանիզմները՝ թե՛ գիծը եւ պետական սպասարկումները: Նշանակալից է, որ հանդիպումներն անցկացվում էին, պետական լեզվի հետ միասին, նաեւ ունկնդիրների մայրենի լեզվով, դրանով իսկ ապահովվում էր տեղեկատվության մատչելիությունը՝ բեմեֆիցարների համար ընկալելի լեզվով: Մենք ծրագրում ենք նաեւ վարժանքների շարք՝ վաղ ամուսնության բեմայով, որը կիրականացնենք մինչեւ տարեվերջ,- հայտարարեց պետնախարարը:

Քեթևան Ցիխելաշվիլին շարժական խմբի անդամներին շնորհակալություն հայտնեց եւ նշեց, որ խմբի ուժեղացումն ու աջակցությունը կշարունակվի նաեւ այս տարի, որպեսզի խմբի անդամները դառնան տեղական ակտիվիստներ ու լիդերներ գեներային իրավահավասարության պաշտպանության ուղղությամբ:

Հանդիպմանը մասնակցում էին Վրաստանում ՄԱԿ-ի ասոցիացիայի ներկայացուցիչ Ռուսոլան Գանտուրիան, ԱՄՆ-ի միջազգային զարգացման գործակալության (USAID) ներկայացուցիչ Թամար Սիրիլաձեն, «Վրաստան» թերթի խմբագիր Վան Բայբոթյանը:

Նախագիծը 2016 թվականի փետրվարից իրականացվում է Վրաստանի հաշտեցման եւ քաղաքացիական իրավահավասարության հարցերով պետնախարարի աշխատակազմի նախաձեռնությամբ եւ ԱՄՆ-ի միջազգային զար-



գացման գործակալության ու Վրաստանում ՄԱԿ-ի ասոցիացիայի «Հանդուրժողականության քաղաքացիական գիտակցության եւ ինտեգրման աջակցության» ծրագրի (PITA) աջակցությամբ: Նախագծի գործընկերն է մարդկանց վաճառքի (թրաֆիկինգի) զոհերի, տուժյալների պաշտպանության եւ օգնության պետական հիմնադրամը:

«Երիտասարդները գեներային իրավահավասարության համար» շարժական խմբի կազմավորման նպատակն է՝ ազգային փոքրամասնության ներկայացուցիչներով հոծաբնակ տարածաշրջաններում Վրաստանում վաղ ամուսնությունների եւ կանանց նկատմամբ բռնության դեմ գիտակցական մակարդակի բարձրացումը:

Նախաձեռնության շրջանակներում ընտրվել է 40 երիտասարդ, ովքեր անցան վերապատրաստման հատուկ վարժանք-սեմինար (ToT)՝ թրաֆիկինգի պետական հիմնադրամի (Atip Fund) եւ գեներային հարցերով մասնագետների մասնակցությամբ:

ՍԻՍՈՆ ԿԻԼԻՉԵ

ՀԱՆՐԱՊԵՏ

ԱՄԱԼՔԱԼԱՔԻ. ԱՇԽԱՏԵՆՔ ԺՈՂՈՎՐԴԻ ՊԱՅԱՆՋՈՎ ԵՎ ԺՈՂՈՎՐԴԻ ՀԱՄԱՐ

Վրաստանի խորհրդարանում Ախալքալաքի եւ Նինոծմինդայի շրջանների մեծամասնական պատգամավոր Հենգել Սկոյանը Ախալքալաքիում հանդիպում ունեցավ մունիցիպալիտետի օրենսդիր եւ գործադիր մարմինների ղեկավարների եւ հանրային ծառայողների հետ: Հանդիպմանը քննարկվեցին շրջանում կատարված ու կատարվելիք շինծրագրերի, շրջանի վերադասի կողմից խոստացված ծրագրերի կատարման եւ շրջանի անցուդարձի վերահսկման հարցերը:

Այսպես, հանդիպումը, պատգամավորն ընդգծեց.

- Մենք ե՛ւ նախընտրական արշավների ժամանակ, ե՛ւ պարբերաբար անցկացվող հանդիպումների ժամանակ գրի ենք առնում բոլոր գյուղերի խնդիրները, եւ այսօր արդեն ուղիներ ենք գտնում համապատասխան գումարը ձեռք բերելու, եւ բոլոր պահանջները բավարարելու համար: Մոտ օրերս կհայտարարվեն մրցույթներ ու աշխատանքները կսկսվեն: Այդ ամենի համար մենք նախատեսել ենք 800-900 հազար լարիի գումար:

Ախալքալաքիի մունիցիպալիտետի վարչության նախագահ Էդուարդ Աղասաբյանը պատգամավորին նախընտրական շրջանում իրականացվող շինարարական անցուդարձը: Հենգել Սկոյանը մանրամասն հաշվետվություն պահանջեց, թե, կոնկրետ, որ շինարարությունը որ փուլում է գտնվում, եւ ինչպիսի խոչընդոտներ կան դրանց իրականացման ճանապարհին: Այս տարի վերանորոգվելու են Խանդո, Դիլիսկա, Բարալեթ տանող ճանապարհները, ասֆալտապատվելու են Ախալքալաքիի մի շարք փողոցներ:

- Վերջին տարիների ընթացքում կատարված շինարարական աշխատանքները, որոնք իրականացվել են գյուղական ծրագրով, ունեն խնդիրներ են որակի տեսանկյունից, եւ կան կիսատ թողնված, եւ այլ թերություններ: Ստեղծվել է համապատասխան հանձնաժողով, որը շրջելով գյուղերը, գրանցել է այդ ամենը, եւ մենք այսօր ունենք դրանց լուծման հստակ ծրագիր: Հարցը հիմնականում վերաբերում է գյուղական ճանապարհներին, ակունքներին, դրսի լուսավորմանը եւ սանիտարահիգիենիկ վիճակին,- հայտարարեց Աղասաբյանը:

Ասեմը, որ տարեկգրին Ախալքալաքիի եւ Նինոծմինդայի շրջաններում, Հենգել Սկոյանի նախաձեռնությամբ, կազմվեց հատուկ աշխա-



- Այսօր ինձ

համար պարզ դարձավ, որ բոլոր գյուղերում էլ կան փոքրիկ խնդիրներ, որոնց լուծման համար անհրաժեշտ է 10-15 հազար լարի:

Ելույթ ունեցողներն ընդգծեցին, որ բնակիչներից շատերը բողոքում են, որ աշխատանքներն իրականացվում են անորակ, եւ այդ պատճառով շինությունները չեն ծառայում իրենց նպատակներին: Ի պատասխան այս հարցին՝ Հենգել Սկոյանը հավաքվածներին տեղեկացրեց, որ 2018 թվականից բոլոր շրջաններում իրականացվող շինարարական աշխատանքների ընթացքին հետեւելու, ապա, դրանք ընդունելու են կառավարության կողմից նշանակված հատուկ խմբեր, իսկ դա երաշխիք է, որ անորակ ու թերի աշխատանքներ այլեւս չեն լինի:

Ելույթ ունեցողներից մեկը շնորհակալություն հայտնեց պատգամավորին ուշադրության եւ գործնական օգնություն ցուցաբերելու համար: Հավաքվածները ծափահարություններով դիմավորեցին նրա այն հայտարարությանը, որ մինչեւ 2018 թվականը Վրաստանի բոլոր բարձրալեռ գոտիներում ճանապարհները կլինեն ասֆալտապատված:

ՈՒՆԱՆԱ ՍԿՐՏՅԱՆ

Ախալքալաքի

ՏԵԽՍՏՈՒԳՈՒՄ

ԳԱԶՈՎ ԱՇԽԱՏՈՂ ՄԵՔԵՆԱՆԵՐԻ ՏԵԽՆԻԿԱԿԱՆ ՎԻՃԱԿԻ ՀԱՄԱՐ ՄԻԱՎՈՐՆԵՐԸ ԳԵՆ ՆՎԱՋԵՅՎԻ

Ինչպես նշված է Վրաստանի ՆԳ մախարարության պաշտոնական կայքում, բնական գազով աշխատող ավտոմեքենաների վարորդների համար, մինչեւ որք երկրում պարտադիր տեխնիկական ստուգման անցկացումը, ոչ մի նոր կարգավորիչ չի նախատեսվում:

Հիշեցնենք, որ հուլիսի 1-ից Վրաստանում ուժի մեջ են մտել մի շարք նորամուծություններ՝ ուղղված ճանապարհային երթևեկության կանոնների խախտման համար տուգանքների խստացմանը, ինչպես նաեւ այդ կանոնների պահպանությանը: Մասնավորապես, ամեն տարի վարորդների հաշվին կհաշվարկվի 100 միավոր, որից տուգանքների գրանցման համար կհանվեն համապատասխան թվով միավորներ:

Նոր կարգի համաձայն, միավորներ կհանվեն նաեւ ավտոմեքենայի տեխնիկական անսարքիության, ինչպես նաեւ տնայնագործ փոփոխությունների համար: Վրաստանում շատ ավտովարորդներ, տնտեսման

նպատակով, իրենց մեքենաները փոխել են բնական գազի վրա:

- Քանի դեռ չի գործարկվել տեխստուգման համակարգը եւ չեն սահմանվել այդ ոլորտում չափորոշիչները, բնական գազի համակարգով աշխատող մեքենաների վարորդները կօգտվեն այն նախկին կարգից, որը գործում էր մինչեւ հուլիսի 1-ը եւ նրանց չի առնչվի միավորների նվազեցումը,- ասված է մախարարության հայտարարության մեջ:

Միաժամանակ նշված է, որ միավորները կհանվեն միայն այն վարորդներից, ում տրանսպորտային միջոցը ենթակա է տեխնիկական պարտադիր ստուգման:

ԱՐԴԵՆ ՍՏՈՒԳՎԵԼ Է ԲՆԱԿԱՆ ԳԱԶՈՎ ԱՇԽԱՏՈՂ ԱՎԵԼԻ ՔԱՆ ՀԱՋԱՐ ՄԵՔԵՆԱ

Ներկա դրությամբ, Վրաստանում արդեն ստուգվել է բնական գազով աշխատող ավելի քան հազար մեքենա: Ոչ պաշտոնական տվյալներով, երկրում բնական գազի վրա աշխատող շուրջ 400-500 հազար ավտոմեքենա է երթևեկում:

Մեքենայում գազի բալոնների տեղադրման ստուգման իրավունք տրվել է երկու ընկերությունների՝ «Գազի բալոնին» եւ «Ֆաբեկին»:

Հիշեցնենք, որ բնական գազի վրա աշխատող մեքենաների պարտադիր տեխստուգման մասին որոշումը Վրաստանի կառավարությունն ընդունել էր 2014 թվականին, սակայն դրա կիրարկման ժամկետը մի քանի անգամ հետաձգվեց: Կարգադրության վերջին խմբագրությունում ստուգման ժամկետները կապակցվել են մեքենայի տարիքի հետ: Մասնավորապես, քսանից ավելի տարեկան մեքենայի տեխնիկական ստուգումը պետք է անցկացվեր մինչեւ ընթացիկ տարվա հուլիսի 1-ը, 14-16 տարեկան մեքենաների համար տեխստուգման վերջնաժամկետը՝ 2018 թվականի հուլիսի 1-ն է, 11-13 տարեկան մեքենաների համար՝ 2019 թվականի հունվարը, իսկ 1-10 տարեկան մեքենաների հա-

մար՝ 2019 թվականի հուլիսի 1-ը:

Ինչպես հայտարարեցին, գազի մեքենաների տեխստուգումն իրականացնող ընկերությունները, որպեսզի ավտոմեքենան հաջող անցնի տեխնիկական ստուգումը, այն պետք է համապատասխանի մի շարք չափորոշիչների, այդ թվում՝ լցման փականը պետք է գտնվի բեռնախցիկի ետևում, բալոնի ռեզինի խողովակը պետք է լինի հատուկ խողովակներում, որպեսզի գազի արտահոսքի դեպքում այն չհայտնվի մեքենայի խցիկում:

Որոշակի չափորոշիչների պետք է համապատասխանեն նաեւ բալոնի ամրագոտիները: Ցավոք, ավտոտրանսպորտի մեծ մասը չի համապատասխանում վերոնշյալ չափորոշիչներին, քանի որ հիմնականում հագեցված են ռուսական արտադրության գազի հին բալոններով:

ԱՐԵՎԻԿԱ ՄԱՆՈՒԿՅԱՆ